

无上玄元三天玉堂大法卷之二十 四十五

生身受度品第二十一

師曰經謂生身受度劫劫長存蓋謂生身之士論也後世不知自修惟憑齋功度身於未死之前大為道失生者此生見世之

身也受度者於身受道度出世網為真人也所以身得神仙劫劫不壞今以凡身度於未死之前預備將死之路不知何者為是以此扣於師前師曰此因吾不取後世度未死之身然太上垂科念世變人頑誰

能求悟終不可度世人永不知道於是科開度化之方後之學者或自能修其身成其真自可出入金門遊行三界亦安用於此法哉

師曰天生萬物惟人最靈亦其品不一有貴有賤有賢有愚有富有貧有壽有夭蓋來處不一何謂也六道之中惟人最靈六道中出為人應從天道中來其人不壽心常慈惠神道中來其人陰害多慧聰明人道中來知禮不犯常循正理其餘惡道如

地獄餓鬼畜生則盲聾喑啞下賤貧窮頑狠不法故也今生身受度當擇人而度之且世之大貴王公大富鉅室品位之高下家資之淺深皆自世福中來何謂也夫前生信從道釋齋修方便造路建橋設浴施食作福無量及親受經教持修不成如是之人死後之後再返人天隨其福力大小受報既受果報在路不合因而作業死則合入幽關於是太上憫之特垂此法開度使之死後不經地府削落世愆形同真人也明科有禁戒世人因是修持中來然有一等將帥任邊方兵權此乃神祇中來雖有富貴名入黑簿專任殺戮不宜度之又刑法考對之官在屈冤仇任性聰斷此人是地府陰曹中來但可移生中華再得貴人不可割符超度其間又有世祿之家豪富之子浮生年少不識三尊此人善顯圍上遊精之鬼富即不壽貴而不知天司察之旋即死滅此人不可度之負飯道路一切孤寒前生作業造罪此世受號叫奔馳

之昔生為小人死為下鬼不可度之但願長者仁人信士及無名僧道欲歸大道未知真源具度此生死歸真路常為建壇奉啓三天關告地府削除諸案名字申上天曹注之玉簡給籙佩奉分半留身預分半焚死後之時隨符上達矣凡世人生無道位死為下鬼在世之日名係獄司七十二案相通合元改案以案者謂地府之案上伴天曹也每案當具筆一一墨一紙一硯或木為之焚之及告改案符命


天司割移地府名籍改案玉符用梓七十二片朱書黃封告下



右符告下東嶽冥曹主者削除某人罪籍移洗愆名逕上天曹注名玉簡以俟報終格神天界一如告命風火驛傳  
太歲年 月 日 時告下

師曰受度信士生名在鄴都各告削罪符命

太上好生削罪真符用相簡十三片來書青封告下



右符告下泉曲之府北都羅鄴三官九署十二河源削除業三世沉譴積劫愆名削籍天曹注名玉簡報終運盡逕陟朱陵一如告命風火驛傳

太歲年月 日吉時告下

師曰受度信士既得名離北府然三官鼓筆四司糾過又當告下三官赦過玉符

太上度生赦過玉符相簡三片來書青封告下




右符告下三元三官九府百二十曹遵承道

旨符恩即除罪籍名注金書陽神長生與道合符以俟其人將來身謝之後昇入仙都一如告命風火驛傳

太歲年月 日吉時告下

師曰受度信士既得名列天曹則當給使神真護衛生身將來終命之時神同昇上也

護身大神玄真護受度男官某甲用黃紙朱收執佩受



呪曰

玄都符命立召玄真承牒準令翊衛度身莫不得干禍不能侵百年守護報盡同昇一如告命


護身玉女華英護受度女官某甲用黃紙朱收執佩受

已上大神玉女徒百萬眾於兆身中護符俟將來數終護神飛翺

師曰受度信士合給告預修符戒

救苦籙式

太上預修救苦黃籙



右救苦真符已依式書奏三天門下乞削落罪根割移地府名注仙曹此處用印一

地府文牒上將來此承離幽冥





玉寶皇上尊度玄真萬福尊度太妙至極  
 尊度玄上玉宸尊度度仙上聖尊度好生  
 度命尊度太靈虛皇尊度無量太華尊度  
 玉虛明皇尊度真皇洞神尊度尋聲救苦  
 尊度九幽拔罪尊度削罪除愆尊度和寬  
 罪對尊度慈悲接引尊度大慈救苦君度  
 大慈大惠君度三寶九華君度玉堂諸司  
 君度正一諸司君度此諸天尊橫列  
三行並書之  
 元始符命黃籙白簡救苦真符告下十方無  
 極世界三官九府百二十曹五帝考官九幽  
 地獄巨天力士執罰神兵司命司錄司功司  
 煞牛頭獄卒三界大魔預度某人生身削除  
 罪籍注紀生名萬罪蕩除冤仇和釋乘此九  
 真妙戒預度功德上生天堂一如告命  
 太歲年 月 日吉時告下


具法位巨姓某  
 三天大聖都天大法天師

元上預修長生金籙元始洞玄靈寶本章開  
 明三景是謂天根生身受度劫劫長存太歲  
 某年某月某日時告下元始符命預度某人  
 改移地府注上仙曹承度苦難名列三天

右長生靈符已依式書奏三天門下合同照  
 應給付某人收執佩持將來運應滅度不經  
 地府逕上朱宮九煉成真形神俱妙此處用  
印一半  
此永離無災運上朱宮



錄真法攝



南極長生君度南極度生君度南極好生  
 君度南極慶生君度南極司命君度南極  
 司錄君度南極延壽君度南極益算君度  
 南極度厄君度南極司馬君度南極注生  
 君度南極散禍君度南極消災君度南極  
 注錄君度南極衍福君度南極校錄君度  
 南極保命君度南極書善紀功君度南極  
 朱陵府君度南極朱陵府神君度此諸君  
橫列三  
行  
 元始符命金籙白簡長生靈符告下南方丹  
 天世界朱陵天府南昌上官長生大君韓君  
 司馬司命司錄延壽益算度厄尊神迴軀起  
 死監生大神超度預修某人書名紫冊紀善  
 金編度厄延生舒齡益算考終不經地府逕  
 陟丹天冶煉神膏升仙證道一如告命

太歲年 月 日吉時告下

具法位 臣姓某

三天大聖都天大法天師

右二籙並用青絹泥金書用黃綾裝飾如法

九真妙戒用黃紙朱書

无上預修九真妙戒謹按真科世人能受九真妙戒佩受救苦長生寶籙生之日受大福報壽齡綿遠運盡數終不越輪迴運上丹天為初學天人漸躋仙品者今有預修某人乞受九真妙戒檢束身心祈真護祐天尊曰一者孝讓敬養父母二者克勤忠於君主三者不殺慈救眾生四者不淫正身處物五者不盜推義損己六者不嗔兇怒凌人七者不詐誑賊害善八者不驕傲忽至真九者不二奉戒專一護戒神王




太歲年 月 日吉時告下

具法位 臣姓某

三天大聖都天大法天師

師曰受度信士臨受度削落三災度脫九厄出離五苦然後落惡根消黑簿滅彭尸去陰魄方為道子若三災未落九厄未度則仍有疾疾為撓矣若不落惡根不消黑簿難以升真矣若三彭未滅則多欲繁興陰魄未去則昏沉罔覺今當燥煉去垢摩光形神一清永不貪戀若受之後就酒樂淫仍前不改嗔怒貪愛尚爾未悛則徒預修之籙則不免於鬼籙矣

太上落減三災玉符以度度時令其立壇前對面告




呪曰

具符告下臨照星宮某人命官運限消凶落

滅三災福佑無窮承今受度形與仙同一如告命

太上度厄難符



呪曰

道流注福系周流太上特度男官預修名登玉曆災不相浮永脫厄會落滅愆尤無災無滯真仙同儕一如告命

太上落三彭清七魄符臨壇對受度人叱呪七遍




呪曰

帝敕玄都恩單玉爐削汝罪籍度汝凡軀彭珞彭質彭矯與符俱化外仙都尸物伏尸雀

陰吞賊非毒除穢臭肺開爾善門邪門閉塞  
上昇仙都俱化玄德

師曰既已落三災度九厄制三尸和七魄  
矣當脫出五苦以遂修真

度愛累苦心符





呪曰

真符度苦澄清決心心神丹元常保中局不  
淫不亂晝夜常寧脫苦心累轉大法輪報終  
不亂昇入三清一如告命

師曰臨壇時對度人叱曰心者神舍常清  
一一有添着心亂神耗則淪入鬼趣矣今  
善男子歸心大道建齋預修當少思寡欲  
勿苦思慮受度之後當使心如夜月圓明  
清淨可以升仙不難矣

度貪累苦形符



呪曰

太上度人保定凡身身如寶樹不凋不侵不  
衰不耗色常陽春戒欲戒亂食斷嗔絕去  
百動掃除六塵身安形泰與仙同升一如告  
命

師曰臨壇時對度人叱曰形者身也有身  
則有欲故身為六根之機眼觀耳聽身則  
隨之自營求利欲奔競勞苦形最受害今  
已受度當愛其身形不輕舉汝形則不苦  
矣

度色累苦精符



呪曰

太上度人玉符保神神誠不動精源不傾便

得離欲清淨身心受符煉化清其中為元精  
不動永得仙真一如告命

師曰臨壇時對度人叱曰精者人一身之  
品華也凡人多欲傷耗真精耗散元和凋  
殘性命而不知覺故多欲則傷精是名苦

精故聖人云無搖汝精力可長生今受度  
後當清心寡欲守禁元精不傾不漏漸入  
仙真矣

度華累苦神符




呪曰

玉符保神金液煉形全汝魂精制汝魄靈魂  
安魄定神室清澄三關九戶竅竅光明神全  
無漏飛升上清一如告命

師曰神者一身之主也凡人多欲多糜神  
不守舍心常外馳身如枯朽九戶闔塞體  
不生神故中黃經云可惜玄宮十二樓那

知反作三尸宅則神耗矣故天師格言曰  
心亂神自耗氣索形亦枯清我太上法日  
與鬼為徒豈非苦神耶今受度後常守神  
室妄念不生形神俱妙與道合真矣

度身累苦魂符



呪曰

玉符保神王符通真符變元化符化真晶神  
心不動重府常清不貪不欲不亂不淫魂神  
澄正萬炁長存不經苦惱身有光明三界侍  
衛五帝司迎萬神朝禮名書上清一如告命  
師曰神常在則魂常安神室亂則尸魄好  
貪好怒好愛好思好哀好樂好衣好食好  
欲好淫皆魄之性也人能守真除妄清其  
神室則魂常寧一若不守其真洞我靈竅  
神亡炁散魄旺尸狂則魂散而無幾矣魂  
既清散則去仙已遠去鬼已近當自今受

度後毋忘道念毋役元神則神不亂則魂  
自安矣方可受預修之道

師曰受度人既已過五苦門矣然凡軀生  
存未即謝世尤慮貪淫犯戒類等常流雖  
落彭尸度苦難待文具爾須更受持十戒

皆世人常犯之事苟持而不犯僅可無疵  
若不能持此持其受預修之錄將來逕可  
超昇恐非所望受度者宜謹持勿犯度師  
於臨壇時更宜曉諭曰

一者先當奉三真香火三真者道經師也亦  
曰三尊受度人今為道子名登玉曆不可新  
事下土邪神凡血食祀典非自修真而來者  
皆曰邪鬼也自今後或於未受度前已曾事  
神祇自今可以禮送之以禮者備香火不復  
更事也如受度以前已曾奉佛者當於佛之  
上首別立太上三尊供事不可以佛歷上帝  
位也  
二者既已受度當日動香火嚴奉齋戒習誦  
真經所謂真經者度人經生神章之類是也  
既受度人為道子合習學道經以異將來昇

度如執迷不信以道為非則三官糾察奪二  
十算

三者既已受度當生慈善心不得陰謀善良  
不得妬忌賢聖不得離開教唆使人爭訟自  
已不得妄言詐語設計傾陷平人不得廣積  
已財多貪得利吞併貧弱自益己身如受度  
後不改前非受戒之後護身神王糾察三官  
奪祿

四者既已受度當得清淨身心漸漸離欲不  
可窺人少艾恣往花衢犯法犯禮之事自今  
絕念妻妾之禮亦有戒忌之時行之有常鬼  
神敬畏仙班近矣

五者既已受度當淡泊口腹不得任意宰殺  
六畜恣其甘肥傷亂真性若能常日食素尤  
佳未能斷葷亦當食晨素如未能晨素凡三  
元八節庚申甲子本命生辰等日齋之可也  
齋日前一日戒欲正日戒葷第三日從便如  
此行之頗易為若不能守此戒律徒待今此  
齋功謂之預修將來指準升度恐非所望又  
且有謹罰三官糾察寒夜風刀反為所累

六者既已受度凡事皆用其心衣食之外任於自然不可着意若求天之養物如鳥獸常給蟲粒況人生天地間豈無稜料自有定分不可苦用心思

七者既已受度當以慈憫為心常行陰德所謂陰德者不令人知默默自作方便之事如力所及處則為之有冤枉者雪之有爭鬪者解之眷屬不和者為和之子弟有不順者以理開誘人之飢渴者飲食之人之疾病者療之人之凍餒者衣食之人負我者不必念我之負人者思以報謝之如此行之僅可積人天之福若不能行此恃其有預修之錄可以超昇恐誤汝爾汝其反思

八者既已受度未嘗有祖先在幽冥而已身自欲度者豈不聞經云七祖昇遷永離鬼官又三啓頌云七祖生天堂是知古之修真先度玄祖而後登真若玄祖不度則死根相續不能超昇欲度玄祖豈必強汝多損金帛建九幽黃籙也耶蓋惟欲廣積陰功思有以作無費功德爾無費功德惟太極葛仙翁煉度

為宜此法簡易行且不甚費錢如汝未能自行每月可浼有道行法師代汝行之積其陰功超度玄祖將來自己超昇亦無愧爾哉曰受度人有親知為僧每月令其課誦施幽冥戒可以超拔不必太極煉度也予答曰受度

人今為道子受太上極恩自凡夫許注玉曆身後可超凌仙境若欲超度祖先縱使佛乘可以度脫今係道子不當師別教須以本教太極祭煉行之庶幾名正言順若不知此妄作誤為九府糾愆四司責罰各將誰執其勉旃

九者既已受度當均齊物我一等寬親勿因少隙而生大讎勿因私忿而廢公道當念身非我有恩怨兩平勿自執迷墮今因果如欲超度當謹致思

十者一切真仙皆以修行煉養而後登真今此受度非因自己修習乃是投壇建預修功德以冀他日滅度不經地獄即生丹天雖云可以準擬超度終不如自己修為之至當也自己修行惟存真守正為先誦經食素次之

但道門廣大法術多端入頭處蓋亦費力若無夙昔靈骨到老終不遇至人點化今因開度略說修道之方恐汝未知踈徑難以望洋於聖涯也不如收心內觀萬事不撓於人未作興之時收心默坐定慧自生湛然見玉清境所謂大定神光皆類此也如此則可以漸脫生死免諸輪迴不待修齊自然昇度若汝根基不固聞此驚疑未能存修且宜守齋戒佩預修之符籙以俟將來超度汝還曉吾之說否耶既已通曉方可升壇受度

已上自落尸魄以後可修作科書臨壇警提受度者預修齋度人既已開論十戒及落滅惡根等符畢然後入壇經過水火交煉


師曰水火預修煉度人謂具文矣受度人不是死魂如何入水火何名煉度也殊不知凡人九尸關塞體不生神所謂徒受一形若寄氣而行矣今之煉度不煉其形乃煉其神身中之神一經冶煉自然身有光明金樓玉室無不生神既生神則尸亡

魄落陽神整具自然無災害無魔怪可以  
登超凌之域也若不煉其神則魂衰魄盛  
尸塵汨亂易生疾病去死無日永為下鬼  
雖有預修功德終莫能仗此超凌也學者  
尤宜悟此

預修受度人過水火池交煉法

師曰凡預修功德依然建煉度壇如法引  
度度人先入水池次焚符行事次過火池  
焚符行事俱畢方與受九真妙戒受預修  
寶籙然後散壇也

真水蕩滌尸塵符



呪曰

清冷玉液甘露濃漿黃華流布玉體自香肉  
清外潔魄煉魂康滌滌心垢五臟清涼百關  
通達煉出純陽  
水池蕩質浴神符



呪曰


三關清淨百節宣通沐浴真神華液融融灌  
溉胞滯蕩滅魔凶華池流布洋溢三官真身  
不漏竟成仙功

水池沐浴真元符



呪曰

滌胞散滯解結開心神全炁備身有光明萬  
神朝禮名書上清不輪不轉位登仙真  
火煉陰尸開泰符



三光同明煉出神

呪曰

以陽蕩陰以炁合神神炁交煉自然成真三  
田光布四體不陰九竅通利百節安寧日炁  
開明月光瑩清二儀交泰三光同明煉出神  
陽以固凡身

火鍊燬陰魔回陽符



呪曰

升天真火治煉神陽尸魄燒燼魂強體康萬  
炁冲和身衛陽光以陽煉陰陰衰陽昌以陽  
煉真真全炁回陽生玉戶光徹明堂炁炁返  
根貞利無疆

火煉換胎易質符



1.04.14 No. 11



太上玄元三天玉堂大法卷之二十一

呪曰

真火炎明照映神室冲融真炁輝煌慧日真  
火煉形尸邪消滅彭尸遺散七魄散失法體  
真身煉胎易質受度受煉上承玉敕

已上水火煉度先令受度立水火池畔法  
師依法令自水池次火池治煉畢尸魄清  
淨魂神安強如此可以享百年之福承預  
修之齋矣

師曰受度信士合給告預修符戒

无上玄元三天玉堂大法卷之二十

无上玄元三天玉堂大法卷之二十一 四六

役使將吏品第二十二

師曰兵將者所以示殺伐之意官將者所  
以主領其職也總而歸之則謂之神神者  
非陰幽鬼神也蓋嗣教者修持不急骨像

合仙塵勞兩盡玉堂金殿莫不生神隨心  
所運莫非將吏故曰天地合我我合天地  
神人輔我我輔神人精炁雙合速衛我真  
此之謂也夫欲知吾身之神則收神靜坐  
天守既定人欲不挽於斯時也真將現前

故聖師之上仙上靈云者蓋吾身二炁之  
運化也

太清玉陛千二百官君三天玉堂萬二千官  
君日宮陽光官吏千二百人月宮玉輝童君  
千二百人三元將軍三千萬衆北斗七玉官  
三千六萬衆北帝黑衣兵馬二十萬衆  
已上官將皆赤明劫初引水火之精化生  
在天每日隨身神將三人

護身不離身將字子嬰  
護心不離心將字玄光

護神不離神將字長仙  
從官兵吏無鞅數衆

已上三將乃龍漢以前三炁化三寶分三  
炁三將降神於人身之妙門即肩



每日直日侍靖玉女

清和玉女一

長生玉女仙芝

傳言玉女道誠

三光玉女未明

誅邪玉女滅怪

侍香玉女信真

混元玉女一炁

通真玉女正心

已上玉女八將每三人共二十四人降于  
身之紫闥瓊室

